

mis Vesperis, et in Vigilia Nativitatis a Matutino. Cum dicitur in choro, in Matutinis, et in Vesperis, præponitur Officio diei, in aliis locis postponitur. Prima vero dicitur post *Benedicamus Domino*, antequam legatur Martyrologium. Extra chororum potest dici pro temporis opportunitate, vel etiam omitti, *Rub. Brev. de Officio parvo B. M. V. num. 1115 et 1207.*

197. Missa conventualis de feria in cathedralibus, et collegiatis omnibus est dicenda ultra Missam festi, et abusus sunt reformandi, *S. R. C. 16 Jan. 1627, in una Abusus reformandi.* Missa conventualis de feria: quo in casu, ubi adest consuetudo, non est necesse ut applicetur sacrificium, sed opus est orare in *Memento pro defunctis, Benedictus XIV. 19 Augusti 1744,* constitut. quæ incipit: *Cum semper.* Vide num. 121.

198. Coadjutor canonici iusta de causa immunis, et exempti a choro, tenetur interesse, ut canonicus lucretur distributiones, *S. R. C. 20 Februar. 1627, ad dubium de coadjutore.*

199. In festo SS. Corporis Christi deferatur Eucharistia a celebrante; in Vesperis autem diei octavarum (si fiat processio) deferatur ab eo qui cantavit Vesperas, modo sit dignitas, vel canonicus, *S. R. C. 12 Junii 1627, in Brundusina.* Intelligi, impedito episcopo in cathedralibus, qui deferre debet Sacramentum de mane, licet Missa solemniter a prima dignitate celebrata, *Cærem. episc. lib. II, cap. 33, num. 15 seqq.*

200. Celebrantes Missam solemniter, sedeant in loco parato pro celebrantibus a latere Epistolæ, *S. R. C. 12 Jun. 1627, in Brundusina.* Celebrantes, qui simul sunt et canonici. Vide num. 115, 145 et 460.

201. Absente episcopo, benedictiones candelarum, cinerum, palmarum, et fontis fiant per celebrantem, *S. R. C. 12 Jun. 1627, in Brundusina.* Quis vero celebrare debeat vide num. 101.

202. Dignitates nolentes celebrare Missas pontificales, absente episcopo, iusta causa impedita, possunt assistere in suo stallo in choro, *S. R. C. 12 Jun. 1627, in Brundusina.*

203. Cum episcopus benedicit cineres, debet celebrans imponere cineres episcopo. Quæsitum est, an id servari debeat in die candelarum, et palmarum? Responsum fuit: *Servetur Cæremionale in cap. 16, de festo Purific. et in cap. 21, de Dom. Palmar. S. R. C. 12 Jun. 1627, in Brundusina.* Servetur cæremionale, in quo statuitur ad digniorem canonicum spectare candelam, et palmam episcopo tradere. Idem *lib. II, cap. 16 et 21.* Vide num. 154.

204. Potest episcopus cogere canonicos, ut a capellanis in Quadragesima cantari faciant Missam conventualem ferie cum diacono, et subdiacono, *S. R. C. 17 Jun. 1627, in Nicien.*

205. Canonici non possunt uti pallio et pileo in choro, quando assistunt etiam Completorio, *S. R. C. 27 Jul. 1627, in Nicien.* Non possunt uti pallio, et pileo, sed habitu proprio canonicali, *Cærem. episc. lib. II, cap. 4, num. 4.*

206. Coadjutor episcopi celebrans, præter diaconum et subdiaconum, debet habere assistentem canonicum pro libro, *S. R. C. 7 Aug. 1627, in Aquileien.* Vide num. 189.

207. In iis diebus, quibus fieri non potest in festo duplici, prohibentur Missæ votivæ privatæ, et de Requiem juxta Rubricas, *S. R. C. 25 Aug. 1627, in una Urbis dubiorum.* Privatæ: Solemnes vero quomodo permittantur. Vide num. 75.

208. Electus ecclesiæ archiepiscopalis, non potest exercere pontificalia in sua ecclesia ante receptionem pallii, *S. R. C. 28 Aug. 1627, in Ulyssiponen.* Ante receptionem pallii. Neque patriarchæ, vel archiepiscopi possunt, antequam pallium receperint, *Cærem. episc. lib. I, cap. 16.* Vide n. 6.

209. Si ad processiones cathedralis sine SS. Sa-

cramento plures conveniant capitulariter ecclesiæ collegiate, harum dignitates incedere debent cum suis capitulis sine pluvialibus, *S. R. C. 29 Jan. 1626, in Colonien.* Vide num. 8.

210. In ecclesiis regularium habentibus claustra fiant processiones intra claustra tantum; si vero non habeant claustra, fiant prope muros ecclesiæ, sive exeundo ab una porta, et intrando per aliam ecclesiæ portam, sive per eandem, *S. R. C. 26 Febr. 1628, in Hispanen.* Intra claustra tantum. Parocho vero annuente, vel privilegio suffragante, progredi potest processio ultra ambitum ecclesiæ. Vide num. seq.

211. Extra ambitum ecclesiæ non licet Regularibus facere processiones; nisi de licentia, et consensu parochi salvis privilegiis, si quæ sunt. Processiones vero confraternitatum non debent extendi per vias, sed circa muros regularium, qui eas regunt, *S. R. C. 26 Febr. 1628, in Hispanen.* Vide num. ant.

212. Nequeunt regulares SS. Sacramentum exponere sine licentia ordinarii, *S. R. C. 26 Febr. 1628, in una Bertinori.* Imo et alii, exceptis diebus, de quibus num. 51.

213. Si episcopus in processione SS. Sacramenti non deferat Eucharistiam, vel non interveniat, canonici tamen cathedralium induant sacras vestes, *S. R. C. 27 Mart. 1628, in Cajetanâ.* Vide num. 8.

214. Celebrari non potest per totam civitatem, et diocesim, etiam de cujuscuque ordinarii auctoritate, festum cum Officio de sancto, eo quod in loco adsit ecclesia parochialis, vel regularis, vel abbatialis, aut aliqua reliqua, sed tantum in ecclesia ipsius sancti titularis, seu ubi asservatur corpus, aut insignes reliquæ, et non alibi, *S. R. C. 8 April. 1628, in una Brev. Rom. Urbano VIII confirmante.* Sed tantum in ecclesia ipsius sancti Officium sub ritu primæ classis erit recitandum ex *Rubr. Brev. prop. Officium vero corporis, vel reliquæ insignis sub ritu dup. mi.* Vide num. seq. in quo etiam reperies, quæ reliquæ insignes dicendæ sint. Vide etiam num. 216.

215. Insignes reliquæ, sunt caput, brachium, crus, aut illa pars corporis, in qua passus est martyr, modo sit integra, et non parva, et legitime ab ordinariis approbata, *S. R. C. 8 Apr. 1628, in una Miss. Rom. Urbano VIII approbante.* Insignes reliquæ de quibus recitari Officium duplex statuitur. Vide num. 162.

216. Non potuisse post bullam S. Pii V de Breviario Romano, neque posse locorum ordinarios tam sæculares, quam regulares addere Kalendaris etiam propriis, sanctorum officia, nisi ea duntaxat, quæ Breviarii Romani rubricis, vel sac. Rit. cong. seu Sedis Apostolicæ licentia conceduntur: neque propria auctoritate, quovis prætextu, posse mutare ritum, qui habetur in Kalendario Romano, seu rubricis Breviarii in altiore ritum; neque extendere concessa Officia de loco ad locum, declaravit *S. R. C. 8 Apr. 1628, in una Brev. Rom. annuente Urbano VIII.* Post bullam S. Pii V latam 9 Julii anno 1560, quæ incipit: *Quod a nobis postulat.* Vide num. 114: In altiore ritum, licet ex legato benefactorum hoc requiratur; quo in casu servari potest per extrinsecam pompam. Vide num. 293.

217. De sanctis episcopis locorum, martyribus, civibus, et aliis festis, de quibus Kalendario Romano, seu rubricis Breviarii nihil habetur, uti etiam de beatis nondum canonizatis, nihil propria auctoritate constituatur, sed omnino consulari *S. R. C. 8 Apr. 1628, in una Brev. Rom. approbante Urbano VIII:* De sanctis episcopis de quorum confirmatione revera constaret; vel per immemorabile tempus celebratum fuisse officium, et Missam, continuari potest ante bullam S. Pii V. Vide num. ant. et 227.

218. Quod præscribitur in Cæremionali, ut cano-

nici de sacristia egrediantur bini, intelligitur in solemnitatibus *S. R. C. 12 Jun. 1628 in Vicentina.* Præcipue circa Vesperas, quæ sunt duplicia minorâ, Jertalia, semiduplicia, quæ non sunt Dominicalia, simplicia, et ferie, in quibus non oportet celebrantem esse paratum, nec fieri thurificationes, *Cærem. episc. lib. II, cap. 3, n. 17.*

219. Canonici habentes usum cappæ et rocchetti, quando administrant sacramenta, debent deponere cappam, induere superpelliceum cum stola, *S. R. C. 12 Jul. 1628, in una Urbis.*

220. Missa conventualis non potest celebrari pro Anniversario, sed captandæ sunt duæ Missæ. In die vero Depositionis dicenda est Missa pro defuncto, non obstante contraria consuetudine, *S. R. C. 12 Jul. 1628, in Lucen.* Vide n. 300 et 1281.

221. Protonotarii titulæ præcedere debent canonicos cathedralis collegialiter non incedentes *S. R. C. 12 Jul. 1628, in una Urbis:* Collegialiter non incedentes. Secus autem si canonici essent simul cum capitulo uniti, tunc enim etiam post abbates incedunt, *Cærem. episc. lib. I, cap. 25, n. 29.* Vide etiam n. 169 et 354.

222. Præcedentia semper danda est super dignitates, et canonico vicario generali, tam presente, quam absente episcopo. *S. R. C. 7 Aug. 1628, ad dubium de Vic. gen. et antea 23 Mart. 1602, in Laurentana et Nolana.* Vide n. 16, 171 et 230.

223. Canonici regulares possunt in publicis processionibus uti rocchetto et superpelliceo, *S. R. C. 28 Aug. 1628 in Novarien.*

224. Potest episcopus cogere sacerdotes sæculares, ut audiant confessiones sacramentales cum superpelliceo et stola, et regulares cum stola tantum, *S. R. C. 28 Aug. 1628, in Casertana:* Stola violacei coloris, *Rit. Rom. de Penit. tit. 5, cap. 1, num. 9.*

225. Non licet mulieribus comitari processiones per claustra monasteriorum Regularium, nisi adsit expressa licentia Sedis Apostolicæ, *S. R. C. 30 Sept. 1628, in Aurelianen.* Sub qua pœna? consule num. 248.

226. *Per comporre le differenze vertenti in questa Sacra Congregazione tra li canonici, e capitolo della chiesa di Galleri per una parte, e li beneficiati della medesima chiesa dall'altra, piacque alle Signorie Vostre Illustrissime di scrivere a quell' Arcivescovo, che saria stato bene di osservare quanto disponeva il Ceremoniale Romano. Ma perchè tal lettera conteneva solo una semplice inclinazione della Sacra Congregazione, non ordine o precetto alcuno, perciò non fu mai messa in esecuzione: onde di nuovo supplicano i canonici le Signorie Vostre Illustrissime, che si degnino far decreto preciso sopra l'osservanza di detto Ceremoniale Romano, conforme la costituzione di Clemente Ottavo sopra l'approvazione, e confermazione di esso che tutto, etc. Sac. Rit. congr. mandavit, et præcepit in ecclesia Calaritana servari ad unguem Cæremionale episcoporum, die 30 Sept. 1628, in eadem Calaritana Urbano VIII annuente die 30 Junii 1629, in const. quæ incipit: Exponi nobis fecerunt.* Vide n. 41.

227. Officia de episcopis sanctis locorum possunt continuari de Communi, si constaret illos fuisse canonizatos, vel per tempus immemorabile celebratum visse de illis Officium et Missam, *S. R. C. 28 Octobris 1628, in una Ord. Min. Obser.* Possunt continuari, nec advertatur bulla S. Pii V sub n. 216 seq.

228. Episcopus in publicis processionibus cum cappa et bireto, non inter dignitates, sed solus incedere debet. Quod si deferatur aliqua imago, seu reliquia, ipse cum cappa, et bireto debet incedere post imaginem, seu reliquiam, nisi adsit consuetudo in contrarium, *S. R. C. 29 Novemb. 1628, in Savonen.* Vide n. 8.

229. Quando adest obligatio, et onus faciendi diversa anniversaria statis diebus in quibus occurrunt

festi duplicia, sive semiduplicia, nec non etiam tempus Quadragesimale, et Quatuor tempora, Vigilia, et similia, Missa conventualis nullo pacto est omittenda, sed utraque Missa est cantanda, altera de die, altera de Requiem, etiamsi occurrat festum duplex, dummodo non sit festum de præcepto, ad hoc ut testatorum voluntates adimpleantur, et licite elemosyna lucrari possit, *S. R. C. 29 Novemb. 1628 in Januen. et antea 1 Sept. 1607 in Pampilonensi.* Similia, id est feria secunda Rogationum *Rub. Miss. Gen. cap. 3.* Vide etiam n. 16, 220 et 252.

230. Vicarius generalis in publicis processionibus, absente, et presente episcopo, debet ultimo loco incedere inter canonicos, seu dignitates, dummodo non adsit consuetudo in contrarium, *S. R. C. 26 Decemb. 1628 in Savonen.* Vide num. 171, 185 et 222.

231. Aspersorium semper est porrigendum episcopo a digniori de capitulo cathedralis, *S. R. C. 20 Decemb. 1628 in Arben.* Intellige ly semper in ecclesia cathedrali, vel in illis, quæ nec rectorem habent beneficiatum, nec sunt Regularium. Vide n. 71.

232. Non valentes satisfacere Anniversariis defunctorum in diebus ferialibus, possunt ipsa adimplere in festis duplicibus, non tamen de præcepto, et cum obligatione audiendi sacrum, *S. R. C. 3 Mart. 1629, in Papien.* In festis duplicibus; intellige minoribus, vel majoribus. Vide n. 19.

233. Instante Patre Don Silvio Favilla de Neapoli procuratore generali congregationis monachorum montis Oliveti, nomine abbatum ejusdem congregationis, ut attempta antiquissima consuetudine solemniter cum baldachino et assistentibus in eorum ecclesiis celebrandi, recederetur quoad eos a decretis alias hac de re editis in causis Firmana 28 Januarii 1606, et Neapolitana 18 Martii 1617. Sacra Rituum congregatio, sæpius audito eodem procuratore generali, et rationibus ab eo deductis mature consideratis, illustrissimo et reverendissimo D. cardinali Casarino referente, censuit et declaravit, in hac parte recedendum esse a dictis Sacræ Congregationis decretis, et licere abbatibus Olivetanis solemniter, in tribus tantum anni festivitibus, celebrantibus uti baldachino, sine auro tamen et pompa; nec non assistentia unius presbyteri, et duorum diaconorum, ac aliorum sex ad summum monachorum sacris indumentis coloris solemnitati convenientis paratorum, ultra diaconum et subdiaconum, qui in Missa cantaturi sunt evangelium et epistolam: atque ita, iidem abbates nullo modo teneant sedem abbatialem fixam et permanentem prope altare, ut sedes episcopalis retineri consuevit: sed eorum sedes retineatur in ecclesia iis tantummodo diebus, quibus solemniter celebratur: et dicti sex monachi, ut supra parati, non in sedibus choralibus, sed super scabellis sedeant in situ congruo juxta ecclesiarum convenientem situm tunc appositis, panno laneo coopertis, dictis Sacræ Congregationis decretis in causa Firmana et Neapolitana editis alias in suo robore permansuris. Eadem *S. R. C. 17 Martii 1629, in eadem Neapolitana congregationis Montis Oliveti, approbante Urbano VIII die 5 Aprilis ejusdem anni constit.* Exponi Nobis. De mandato ejusdem Urbani VIII, ex simili ad unguem decreto *S. R. C. concessum fuit abbatibus Casinensibus, die 11 Julii 1629 in constitutione quæ incipit: Exponi Nobis, et die 15 Sept. 1652, ex alio decreto S. R. C. de die 21 Augusti ejusdem anni in favore Camaldulensium const. Nuper pro parte.* Decreta germana *S. R. C.* ad instantiam antistitum Firmani et Neapolitani habes sub seq. num. 257, in quo privilegia etiam monachorum Cælestinorum invenies. Vide etiam n. 355 seqq.

234. Non potest prohiberi celebratio Missæ in oratorio ruri ædificato per laicum, antequam celebretur Missa parochialis, *S. R. C. 31 Mar. 1629,*

in Capuana: Antequam celebretur Missa parochialis, nisi constitutionibus synodalibus contra id disponentibus: ita tamen ut Missa in parochiali hora opportuna celebretur, sac. cong. Concil. Trident. 25 Maii 1652, ad librum XIX, pag. 191. Et insuper fiat etiam populo per celebrantem explicatio catechismi: Clemens XII in Encyclica die 1 Julii 1755 episcopis Italiae emanata, Italice: *Sopra tutto Sua Beatitudine*. Vide n. 414. Notandum tamen, si huiusmodi oratoria sint ecclesiae parochiali proxima, Missae celebrationem ante Missam parochialem prohibitam esse a Benedict. XIV in constit. quae incipit: *Etsi minime nobis 7 Februarii 1742*.

255. Sacerdos, etiamsi sit dignitas, vel canonicus, absente, vel impedito episcopo, distribuens palmas iuxta decretum 18 Julii 1626, stare debet capite detecto, S. R. C. 31 Martii 1619, in *Pientina*. Vide num. 194.

256. In altari, sub quo sepulta sunt cadavera defunctorum, non potest celebrari, S. R. C. 11 Jun. 1629, in *Turritana*.

257. Cum sacra Rituum congregatio alias de anno 1606 sub die 18 Januarii ad instantiam archiepiscopi Firmani prohibuerit priori S. Catharinae ordinis Canonicorum regularium in eorum ecclesia usum baldachini, et aliarum caeremoniarum. Et de anno 1617, sub die 18 Martii idem decretum ad instantiam cardinalis Carafa archiepiscopi Neapolitani extenderit ad omnes priores et abbates eujuscunque ordinis, etiam Casinen. R. P. D. Henricus Fortuna de Monte Leone procurator generalis totius congregationis monachorum Coelestinorum ordinis S. Benedicti, agre ferens huiusmodi decreta tanquam praedicta eorum antiquissimae consuetudini solemniter celebrandi cum baldachino et assistentibus in eorum ecclesiis, institit audiri in eadem Sacra Congregatione super dicta antiquissima eorum consuetudine. Et commissa illustrissimo et reverendissimo cardinali Antonio Barberino, coram quo, audito saepius dicto procuratore generali Coelestinorum, et rationibus ab eo deductis bene perpensis: eodem illustrissimo ac reverendissimo Antonio referente, sacra Rituum congregatio, re mature discussa, censuit in hac parte recedendum a supra scriptis decretis de anno 1606 et 1617, et declaravit licere abbatibus Coelestinis in tribus tantum anni festivitibus solemniter celebrantibus uti baldachino, sine auro tamen et pompa; nec non assistentia unius presbyteri, et duorum diaconorum, ac aliorum sex ad summum monachorum sacris vestibus coloris solemnitati respective convenientis indutorum, duorum nempe cum pluvialibus, duorum cum planetis, et aliorum duorum cum tunicellis, ultra diaconum et subdiaconum, qui in Missa cantantur sunt evangelium et epistolam, dummodo iidem abbates nullo modo teneant sedem abbatialem fixam et permanentem prope altare, ut sedes episcopalis retineri solet; sed eorum sedes retineatur in ecclesia iis tantum diebus, quibus solemniter, ut supra celebrari debet. Et dicti sex monachi, ut supra parati, non in sedibus choralibus, sed super scabellis, sedent in situ congruo, iuxta ecclesiarum convenientem situm tunc appositis, panno laneo coopertis, firmis in reliquo remanentibus supra scriptis Sacrae Congregationis in Firmana et Neapolitana decretis editis, eadem S. R. C. 30 Junii 1629 in una supra dicti ordinis Urbano VIII approbante die 26 Sept. ejusdem anni, constitutione, quae incipit: *Exponi nobis*. Vide n. 255.

258. Festum Dedicationis aliarum ecclesiarum a cathedrali, celebrandum est tantum in ea ecclesia, ubi consecrationis dies peragitur S. R. C. 18 Aug. 1629, in *Alexandrina*. In ea ecclesia et a clero illius ecclesiar, non vero ab exteris, licet sub parochia degant. Vide n. 871.

259. Non potest celebrari festum consecrationis illius ecclesiae, quam certum est non fuisse conse-

cratam, vel dubium est; si autem constet de consecratione, et ignoretur dies, potest Ordinarius assignare diem pro festi praedicti celebratione S. R. C. 18 Aug. 1629 in *Alexandrina*. Si autem constet de consecratione quae satis probatur per annuam dedicationis celebrationem. Vide n. 858. Potest ordinarius episcopus scilicet, minime Regularium superior. Vide n. 748.

240. Processio in solemnitate SS. Corporis Christi incipere debet a cathedrali, seu matrice, et ad eandem terminare; non vero a parochiali, S. R. C. 19 Aug. 1629, 1 Sept. 1708, et 9 Jun. 1718, in *Nolana*. Vide num. 155.

241. Officium cum Missa S. Rochi conceditur in ecclesiis duntaxat ad ejus honorem dicatis, S. R. C. 29 Nov. 1629, in *Matriten.*: In ecclesiis duntaxat dicatis, licet festum ex devotione servetur in tota provincia, prout in Gallia. Vide n. 654.

242. Ante SS. Eucharistiae sacramentum publice expositum non potest fieri concio capite tecto, non obstante quacunque contraria consuetudine, et abusus omnino est tollendus, S. R. C. 16 Febr. 1650, in *Belgica*, et antea 28 Apr. 1607, in *Illerden*. et 9 Decemb. 1622, in *Giennen*. approbantibus *Clem. et Innoc. XI, nec non Bened. XIII ac Clem. XII, ut in const. 40 Horarum quae incipit: Essendo state introdotte, die 1 Sept. 1756*.

243-244. Soli canonici debent facere consuetos circulos ante episcopum dioecesanum, non autem vicarium generalem, S. R. C. 28 Sept. 1650, in *Maceraten.*: Soli canonici. Nomine canonici veniunt et dignitates et episcopus, et vicarius canonicus, *Carem. episc. lib. 1, cap. 21, numer. 2*. Vide numer. 16 et 920.

245. Dignitate, vel canonico tantum Missam celebrante solemniter, canonici pariter pro diacono et subdiacono, et non alii inferiores inservire debent, non obstante contraria consuetudine; ad Vesperas vero debent assistere presbyteri non canonici S. R. C. 8 et 22 Mart. 1651, in *Sypontina Montis Gargani*: Presbyteri non canonici, et etiam clerici, *Carem. episc. lib. 1, cap. 5, num. 16*.

246. Non possunt inseri in Litanis alii sancti praeter ibi descriptos, neque tempore pestis addendi sunt titulares, et patroni civitatis, sine speciali concessionem, S. R. C. 22 Martii 1651, in *Regien.*: Praeter ibi descriptos. Excipe casum consecrationis ecclesiae, vel altaris ubi proprio loco nominatur bis sanctus ille, in cuius honore et nomine ecclesia, vel altare dedicatur, et illi quorum reliquiae in eo includuntur. Licet etiam addere versiculum congruentem necessitati, v. g. ad petendam serenitatem, etc., qui versus duabus vicibus repetitur post versus: *Ut omnibus fidelibus defunctis, etc. Pontif. Rom. part. 1 et 11, Rit. Rom. de Process.*

247. Qui praetimore, vel balbutie non pronuntiat Evangelium S. Joannis, quod legitur in Missa, sed ejus loco aliud suo arbitratu recitat, debet a Missarum celebratione suspendi, quousque illud rite pronuntiare assuescat, S. R. C. 5 Jul. 1651, in *Salernit.*

248. Mulieres de caetero non possunt occasione processionum ingredi septa monasteriorum Regularium, sub penis, quibus comprehenduntur Regulares permittentes feminas ingredi septa eorum monasteriorum, S. R. C. 5 Jul. 1651, in una *Orbis et Orbis Regularium*: Sub penis excommunicationis latae sententiae ex consti. Benedicti XIV Pontif. Max. quae incipit: *Regularis disciplinae, emanata die 5 Jun. 1742*. Vide num. 225.

249. Regulares in publicis processionibus non possunt prohiberi a clero saeculari, quod incedant sub propria cruce, non obstante contraria consuetudine, S. R. C. 11 August. 1651, in una *ord. Capuc. Terrae Modogni Barenensis dioecesis. Urbano VIII confirmante 30 ejusdem mensis, et anni, in sua const. quae incipit: Exponi nobis*.

250. Rector alicujus parochialis, dum recitantur divina Officia in sua parochiali, debet sedere in scaenno, non vero in sella, S. R. C. 14 Februar. 1652, in *Turritana*. In scaenno decenti panno ornato, etc. Vide n. 110 et 254.

251. Episcopo ingredienti aliquam ecclesiam suae dioecesis, associato a dignitatibus et canonicis suae cathedralis, debet porrigi aspersionum a digniore illius Ecclesiae, ad quam episcopus accedit, non autem a dignitatibus et canonicis cathedralis episcopum associantibus, S. R. C. 14 Febr. 1652, in *Turritana*. Vide num. seq. et 7.

252. Aspersionum aquae benedictae cardinali etiam legato, seu ordinario loci aliquam ecclesiam suae dioecesis, seu jurisdictionis, quacunque de causa ingredienti, non ab archidiacono, seu aliis de Capitulo eujuscunque Ecclesiae porrigi debet, sed a digniore illius Ecclesiae, ad quam cardinalis etiam legatus, seu ordinarius accedit, S. R. C. 14 Febr. 1652, in *Bononien.* Vide num. ant.

253. Episcopo accedente ad aliquam parochialem suae dioecesis cum canonicis suae cathedralis, rector illius parochialis non debet praecedere canonicos cathedralis, et sedere immediate post episcopum, ante canonicos; sed dignior locus debetur canonicis cathedralis immediate post episcopum: post canonicos vero rector debet sedere, vel e regione sedis episcopalis, S. R. C. 14 Februar. 1652, in *Turritana*. Vide num. seq.

254. Canonicis et dignitatibus episcopum associantibus in aliqua parochiali, rector parochialis cedere debet digniorem locum, ut jam supra num. 255, dictum est, et propterea idem rector in eadem sua parochiali ecclesia sedere debet in scaenno, prout sedent dignitates et canonici, non vero in sella, S. R. C. 14 Februar. 1652, in *Turritana*. Vide n. ant. et 250.

255. Spinæ de corona Domini Jesu Christi inter reliquias insignes computantur, et speciali nota et cultu dignae sunt, S. R. C. 21 Jun. 1652, in *Conchen.* Spinæ sub baldachino in processionibus deferri possunt, adhibito velo humerali, et praecedentibus duobus thuriferariis. Vide num. 1120 et 1276.

256. Assistentes episcopo pro dignitatibus, et inchoato Officio, supervenientibus dignitatibus, debent eidem cedere locum assistentiae, S. R. C. 21 Jun. 1652 in *Isernien.* Nisi assistentes essent paramentis induti. Vide n. 102.

257. Non convenit, quod prima dignitas celebret missam ante processionem SS. Sacramenti, et deinde altera dignitas minor deferat illud in processione, S. R. C. 5 Julii 1652 in *Januen.* sive *Genuen.* Innocentio XI confirmante, die 4 Jun. 1689. *Const. 21, quae incipit: Alias emanarunt*.

258. Si festum S. Honophrii celebratur cum Officio et Missa ante bullam S. Pii V, potest continuari, si vero introductum est post bullam, nullo modo permittendum est, S. R. C. 27 Novemb. 1652, in *Conversana*. Ante bullam S. Pii V, quae incipit: *Quod a nobis postulat ratio, die 9 Julii 1568, circa Officii recitationem. Quoad vero Missam, die 14 ejusdem mensis et anni, incipiens: Quo primum tempore*.

259. Aquae benedictae aspersionem in Dominica debet fieri per ipsum celebrantem, etiam quod sit prima, vel alia dignitas, non obstante contraria consuetudine, quae potius corruptela dici debet, cum sit contra rubricas Missalis, et dispositionem *Carem. episc. lib. 11, cap. 30, num. 4, S. R. C. 27 Novemb. 1652, in Perusina*.

260. Dignitates, et canonici assistentes, vel aliqua modo episcopo solemniter celebranti inservientes, nunquam tenentur genuflectere, S. R. C. 15 Decemb. 1652, in *Monopolitana*. Dignitates et canonici cathedralium, etiam collegatarum ecclesiarum. Vide n. 1701, nunquam tenentur genu-

flectere, nisi dum actu sacramento benedicit. Vide n. 1708.

261. Parocho rheumate laboranti, et SS. sacramentum infirmis deferenti, solet indulgeri usus pileoli in itinere, non tamen intra civitatem, vel oppidum, S. R. C. Mart. 1653, in *Asculana*. Solet indulgeri de consensu tamen episcopi. Vide num. 657 et 664.

262. An liceat curatis, salvis eorum juribus parochialibus, impedire, contra voluntatem haeredum defunctorum, ne regulares curati ad funus corpora defunctorum ad quasvis ecclesias deferenda una cum parochis et clericis processionaliter associent? Responsum fuit, Regulares in casu proposito non posse impediri, S. R. C. 23 Apr. 1653, in una *Ord. Præd. S. Franc. S. Aug. et discal. Carmel. Urbano VIII annuente 25 Junii ejusdem anni in sua constit. quae incipit: Nuper pro parte dilectorum*. Vide n. 280 et 1119.

263. Propositum dubium pro parte cathedralis Hispalensis, nempe de quo festo translato potius agendum sit; an de patrono civitatis, qui est S. Isidorus, an vero de titulari, qui est beatissima Virgo, responsum fuit de digniori, nempe de B. Maria Virgine. S. R. C. 27 Apr. 1653, in *Hispalen.*

264. Ubi adest consuetudo immemorabilis cantandi singulis diebus immediate post primam, Missam votivam de beata Virgine Maria, potest exceptis solemnioribus festivitibus Domini nostri Jesu Christi tolerari, prout tolerat S. R. C.; et festa solemniora sunt, in quibus non toleratur haec Missa, Dominica prima Adventus, feria quarta Cinerum, Dominica prima Quadragesimae, Dominica Palmarum cum tota hebdomada, Dominica Resurrectionis, et Pentecostes cum duobus sequentibus diebus, dies Nativitatis Domini, Epiphaniae, Ascensionis, Corporis Christi, et omnes dies, in quibus celebrari debet peculiare festum in honorem B. M. V. juxta praescriptum in Calendario; ac dummodo diebus, in quibus celebratur dicta Missa votiva, praeter eandem celebretur etiam Missa conventualis, seu diei festi currentis, S. R. C. 19 Novemb. 1653, in *Vallisoletana Hispaniarum Congr. Ord. S. Benedicti, De beata Virgine Maria; sed fallit in alios sanctos*. Vide num. 1284 et 1295.

265. In cathedralibus, in quibus non sunt distinctae praebendae, canonicus non sacerdos, licet prius admissus, cedere debet digniorem locum canonico sacerdoti postea admissio, S. R. C. 18 Novemb. 1653, vel Decemb. 1653, in *Sulmonen.* et postea Julii 1686, in *Eginen.* An vero ubi praebendae sunt distinctae? Vide n. 54.

266. Archidiaconus, uti dignitas, habens annexum canonicatum, debet praecedere omnes alios de capitulo, S. R. C. 6 Martii 1654, in *Sulmonen.* Debet praecedere, etiamsi tantum in diaconali ordine constitutus. Vide n. 295.

267. Missa Purificationis in die festivitatis ejusdem, debet cantari a capellanis Ecclesiae Terrae Xendae, in qua erecta est capella confraternitatis sub invocatione Purificationis in casu proposito, non in altari majori, sed in capella ejusdem Purificationis B. M. Virginis juxta solitum, S. R. C. 19 Aug. 1654, in *Cusentina*.

268. Ubi non est aurora physice pro licita Missarum celebratione, attendatur ea moraliter et politice, quando scilicet terminari solet hominum quietes, et inchoari labor juxta probatam regionum consuetudinem, S. R. C. 18 Septembr. et 2 Novemb. 1654, in una *Missalis Romani*.

269. Missae votivae, ad quas ex obligatione aliqua Ecclesia tenetur per hebdomadas certis diebus praescriptis, in quibus multoties occurrit festum de praepcepto, debent transferri in alteram diem feriatam, non impeditam, S. R. C. 9 Decemb. 1654, in *Tarentina*. Debent transferri seu satisfacere, Miss. 3

currentes applicando. Vide num. 143, 564, 1259 et 1286 seq.

270. Missa conventualis de Feria in Quadragesima, et Adventu nullo modo potest omitti, quando in eis etiam cadat festum alicujus Sancti, non obstante contraria consuetudine, S. R. C. 24 Novembr. 1655, in *Callien*. Missa conventualis de Feria in Quadragesima semper dicenda; in Adventu vero diebus Quatuor Temporum et Vigiliis occurrentibus in quibus praelegitur Missa de Vigilia cum commemoratione feriae Adventus, Vigilia tamen Nativitatis excepta, *Rub. Miss. de Feria et Vigilia num. 2*. In Vigiliis etiam per annum, quatuor temporibus, et Feria secunda Rogationum, duae vel tres Missae sunt cantandae post Nonam, ut in *Rub. Miss. Gen. cap. 5 et seq.*

271. Coadjutores, quando coadjuti sunt praesentes in choro, vel in processionibus, non possunt in habitu canonicali intervenire, S. R. C. 24 Maii 1636, in *una civitatis Castellii*. Vide num. seq.

272. Non licet coadjutoribus canonicorum, absentibus, vel impeditis coadjutis, inservire pro assistentibus episcopo solemniter celebranti, vel cum cappa divinis inservienti, sed hoc munus spectat et pertinet ad veros canonicos ordine successivo, S. R. C. 24 Maii 1636, in *una civitatis Castellii*. Vide num. ant.

273. Articulo super matricitate praetensa, inter ecclesias Sancti Georgei et Sancti Petri civitatis Modicae, sac. C. respondit eocl. Sancti Georgei esse matricem, eique competere praecedentiam, S. R. C. 24 Maii 1636, in *Syracusana Innoc. XI confirmante in constit. quae incipit: Alias emanarunt, die 4 Junii 1679 edita*. Competere praecedentiam. In quo sita sit haec praecedentia. Vide num. seq.

274. Cum sac. Rituum cong. sub die 24 Maii 1636, ad relationem em. et rev. D. card. Caesarini declaraverit, ecclesiam Sancti Georgei civitatis Modicae Syracusanae diocesis esse collegiatam insignem, et matricem, eique uti tali deberi praecedentiam supra omnes alias collegiatas ejusdem civitatis, institutum fuit pro bono pacis declarari, quoniam sint hujusmodi praeminentiae; et sac. Rituum cong. censuit esse infrascriptas: primo, quod in solemnitate Corporis Christi processio incipere debeat ab ipsa ecclesia matrice, ad quam convenire debent archipresbyter sancti Petri cum suo clero, et omnes alii interesse debentes, enumerati in *Cærem. episc. lib. II, cap. 55*, et nullo modo per vias expectare: secundo, quod delatio SS. Sacramenti spectet ad praepositum Sancti Georgei, et eo absente ad aliam dignitatem ejusdem matricis ordine successivo, dummodo illo die solemniter celebraverit: tertio, quod omnes aliae processiones publicae, puta sancti Marci, Rogationum, pro pluvia petenda, serenitate impetranda, et similes, incipere debeant ab ipsa matrice; quarto, quod in die Ascensionis Domini, et processionibus sancti Marci, necnon Rogationum tam intra, quam extra civitatem praepositus Sancti Georgei, seu alia dignitas, quae succedit, deferendo stolam, officium faciat, benedicendo segetes, et similia; quinto, quod in omnibus actibus, in quibus intervenit clerus Sancti Georgei, et clerus Sancti Petri, praepositus Sancti Georgei praecedentiam habeat, et votum supra archipresbyterum, et canonicos Sancti Petri: sexto, quod accedente clero Sancti Georgei ad ecclesiam Sancti Petri pro exercenda publica functione, spectet et pertineat ad praepositum Sancti Georgei; et hoc casu praecedentiam debere eidem clero Sancti Georgei; in functionibus autem privatis, puta ex devotione, vel simili, praecedentiam competere clero Sancti Petri in propria ecclesia; septimo, quod in Sabbato Sancto pulsatio campanarum spectet privative quoad omnes alios, ad matricem Sancti Georgei; octavo, quod indulgentiae, seu excommunicationes publicandae nullibi publicari valeant, nisi

prius publicatae fuerint in ecclesia Sancti Georgei, nono, quod fideles in die Paschatis recipientes SS. Eucharistiam in ecclesia Sancti Georgei satisfaciunt obligationi; decimo, quod quando aliquis parochianus Sancti Petri eligit sepulturam in ecclesia Sancti Georgei, praepositus Sancti Georgei officium faciat super cadavere, etiam praesente archipresbytero et clero Sancti Petri; undecimo, quod in assumptione cadaveris, quando intervenit clerus Sancti Georgei et Sancti Petri, semper praecedentia debeatur praeposito, et clero Sancti Georgei, etiamsi cadaver deferatur in ecclesiam Sancti Petri, quo casu erit deferenda crux Sancti Georgei, sed cujus cruce omnes funus associantes incedere debeant, officium vero super cadavere spectet ad curatum, vel sacerdotem illius ecclesiae, in qua cadaver tumulari debet; duodecimo, quod archipresbyter Sancti Petri nullo modo ministrare valeat sacramenta suis parochianis extra propriam parochiam, S. R. C. 6 Sept. 1656, in *Syracusana, Innoc. XI confirmante 4 Jun. 1679, in sua constit. quae incipit: Alias emanarunt*. Vide num. 8 et 209.

275. Fratibus ordinis Eremitarum Sancti Augustini Discalceatorum de congregatione Italiae conceditur licentia erigendi propriam crucem in publicis processionibus, dummodo digniorem locum omnibus aliis Regularibus, qui hactenus crucem exerxerunt, concedant, S. R. C. 1 Octob. 1636, in *una ord. Erem. S. Aug. Urbano VIII approbante const. 225*, quae incipit: *Cum sicut*. Vide num. seq.

276. Praecedentiam, et digniorem locum in processionibus tam publicis, quam privatis, competere et debere Augustinianis supra Franciscanos Recollectos et Discalceatos juxta dispositionem bullae Gregorii XIII, quae incipit: *Exposcit sub die 15 Julii 1583*, editam. Et hoc sive dicti Recollecti incedant conjunctim, sive divisim; et perpetuum silentium imposuit, S. R. C. 20 Decemb. 1636, in *una civitatis Oriolensis, Urbano VIII approbante die 12 Jan. 1657, in bulla, quae incipit: Ex incumbenti*.

277. Imagines Sancti Augustini, Sancti Nicolai de Tolentino, ac aliorum beatorum ejusdem ordinis impressae, aut depictae a fratribus discalceatis ejusdem ordinis cum habitu, quo ipsi discalceati utuntur, suspendendae sunt et abolendae; injungendumque dictis fratribus discalceatis, ne sub penis arbitrio hujus Sac. Cong. infingendis, talia amplius audeant peragere, et omnino servari, S. R. C. 19 Decemb. 1637, in *una ord. S. Aug. Urbano VIII, anno 1638, confirmante, in const. quae incipit: Exponi nobis die 25 Jan. edita*. Vide num. ant.

278. Sacerdos celebraturus Missam privatam, dum transit ante altare, in quo est expositum SS. Sacramentum, post factam adorationem flexis genibus, aperto capite, dum se erigit caput cooperiat, S. R. C. 7 Sept. 1638, *approb. Clem. XI, Bened. XIII et Clemente XII, in Brevi Quadraginta horarum, quod incipit: Essendo state introdotte, num. 5*. Quid dicendum dum administratur Eucharistia fidelibus. Vide n. 314 et 703.

279. Si vigilia S. Joannis Baptistae incidat in solemnitate Corporis Christi, non est eo die jejunandum, nec abstinendum a carnibus in festo hujusmodi, sed anticipandum jejunium die antecedenti, nempe feria quarta, S. R. C. 24 Sept. 1638, in *decreto Urbis et Orbis, Urbano VIII approbante 13 Octob. Constituit, quae incipit: Cum evenire*. Officium vero et Missa de Vigilia non peragitur. Vide num. 835.

280. Officium super caaveribus in ecclesiis Regularium spectat et pertinet ad ipsos Regulares, non autem ad curatos defunctorum, et ita in posterum servari mandavit, non obstante contraria consuetudine, S. R. C. 27 Novemb. 1653, in *una ordinis Sancti Francisci de Observ. Hoc decretum reperitur in Bullario Alex. VII, Cons. 55, edita die 50 April. 1650, quae incipit: Alias pro parte*. Vide num. 262.

281. Benedictio cum SS. Sacramento danda est in fine hymni *Pange lingua*, non vero ad verum *Sit et benedictio*; S. R. C. 5 Febr. 1639 in *Sabinen*. In fine hymni, recitato etiam versu *Panem de caelo*, etc., per cantores, et oratione *Deus, qui nobis*, etc., per celebrantem, omisso *Domine vobiscum, Cærem. episcop. lib. II cap. 55, num. 27*. Vide num. 427.

282. Postulantibus syndico, et electis terrae Aquavivae facultatem celebrandi festum sancti Antonii patroni dictae terrae cum octava, non obstante quod cum octava celebrarent in eodem oppido festum Sancti Eustachii pariter patroni, respondit de principali duntaxat patrono celebrandum esse cum octava, S. R. C. 28 Martii 1639, in *una terrae Aquavivae regni Neapolitani Barianae provinciae*. Vide num. seq. Huic petitioni responsum fuit ad normam decreti 25 Martii 1650. Vide num. 245.

283. De protectore principali civitatis debere celebrari Officium cum octava per civitatem et diocesim sub ritu duplici primae classis, tam apud saeculares, quam apud regulares utriusque sexus, sed isti sine octava, S. R. C. 25 Maii 1630 in *Caven.*: Per civitatem et diocesim. Adde civitatis suburbia: et de diocesi intellige, cum patronus simul sit civitatis et diocesis, vel ubi non adest proprius loci patronus. Vide num. 349, 993 et 1151.

284. Electio, et numerus pro associandis cadaveribus ad libitum haeredum defunctorum spectat, et pertinet: ita ubique servari debere censuit S. R. C. 14 Jan. 1640, in *una ord. Frat. Mendic. approbante Alex. VII, in sua const. 95, anno 1660, emanata*.

285. In nocte Nativitatis Domini post cantatam primam Missam nullo modo possunt aliae duae immediate celebrari, neque fideles communicari S. R. C. 20 Apr. 1641, in *Pisaurensi*: Nullo modo, etiam quocunque usu in contrarium suffragante, qui tolli debet. Vide num. 287.

286. Capellani societatum non possunt prohiberi a paroco celebrare Missam ante Missam parochialem, S. R. C. 21 Novemb. 1741, in *Narnien*. Vide n. 254.

287. Cum superioribus diebus consulta fuisset haec sacra Rituum cong. an esset permittendum celebrari in media nocte Nativitatis Domini post Missam decantatam successive alias duas Missas, et in eis sacram communionem exhiberi fidelibus illam deposcentibus, respondit non esse permittendum, sed omnibus utrumque prohibendum. Nihilominus nonnulli Regulares asserentes hoc licere, supplicarunt audiri, S. R. C. ipsis auditis cum procuratoribus et advocatis ad relationem em. Pallotti stetit in decretis, et respondit iterum, prohibendum tam sacerdotibus celebrare volentibus, quam confluentibus in media nocte ad ecclesiam, et communionem deposcentibus, S. R. C. 7 Decemb. 1641, et 15 Septemb. 1668, in *Januen*. Vide num. 285, 555, 597.

288. Festum principalis patroni in quocunque regno, seu provincia, et alterius pariter principalioris patroni in quacunque civitate, aut oppido, vel pago, ubi hos patronos haberi, et venerari contigerit, est praecipuum cum obligatione audiendi sacrum, et vacandi ab operibus servilibus, S. R. C. 15 Sept. 1642, *Urbano VIII approbante in sua constit. quae incipit Universa, 15 Sept. 1642, num. 2*. Festum principalioris; etiamsi essent simul plures patroni, unius tantum ex principalioribus dies festa de praeposito peragitur, ex allata constitutione. Vide num. 285.

289. Episcopus quando reperitur in aliquo oppido suae diocesis ob visitationem, seu aliam ob causam, potest licite recitare Officium sanctorum, de quibus ex forma rubricarum, seu ex concessione Sac. Congreg. eo quod sint patroni, seu titulares, in usdem oppidis recitatur, et sic pra-

cepto de recitando Officio satisfacit, S. R. C. 14 Mart. 1643, in *una Dubiorum*.

290. Communitates, vel universitates civitatum, seu locorum, non tenentur ex praeposito servare festa ex voto earundem indicta, cum sub praeposito teneantur tantum personae voventes, S. R. C. 18 Apr. 1643, in *decreto de festor. observ. approbante Urbano VIII*. Vide num. 1164.

291. Feria secunda post Dominicam Passionis, quando recitatum est Officium defunctorum, non dicitur Missa conventualis de defunctis, neque oratio *Fidelium*, quae etiam in aliis feriis secundis Quadragesimae dicitur juxta rubricas, sed solum oratio *Omnipotens sempiternae Deus*, quae est pro vivis et defunctis, et omittitur tempore Passionis, S. R. C. 11 Julii 1643, in *Lugdunensi*. Omittitur tempore Passionis; in quo duae tantum collectae admittuntur. Vide num. 395 et 1041.

292. Feria quinta in Coena Domini episcopus debet per se ipsum ministrare Eucharistiam canonicis et clericis, nunquam vero debet illam ministrare diaconus, vel unus ex assistentibus, S. R. C. 8 Aug. 1643, in *Majoricana*. Nunquam vero debet illam ministrare diaconus, sed ad dexteram episcopi stat cum particulis consecratis, *Cærem. episc. lib. II, cap. 29, num. 3*.

293. Canonici presbyteri non debent habere praecedentiam super archidiaconum, etiamsi ipse in diaconali tantum ordine sit constitutus, S. R. C. 26 Sept. 1643, in *Arimin*. Vide num. 266.

294. Episcopo praedicanti in ecclesia cathedrali in ambone, ubi concionatores ordinarii praedicare consueverunt, sine baldachino, et in habitu mozzezza et stola, non debet assistentia a canonicis et dignitatibus, quae assistentia solum debetur episcopo, concionem habenti cum pluviali et mitra, ad praescriptum Caeremonialis episcoporum, S. R. C. 16 Decembris 1643, in *una N. Dubiorum*. Ad praescriptum Caeremonialis episcoporum, scilicet: *Si episcopus erit concionaturus, id faciet in propria sede, quando versa est ad populum, vel quando altare adheret parieti, apud ipsum altare, sedens ibi super faldistorio in suppedaneo ipsius altaris, versis altari renibus. Sedebunt ad ejus dexteram presbyter assistens, et modicum post eum diaconus Evangelii, et primus diaconus assistens; a sinistris vero sedebunt subdiaconus, et alter diaconus pariter assistens*, lib. II, cap. 8, num. 48 sequent.

295. Dum aliqua legata relinquuntur cum onere celebrandi Officium alicujus sancti sub altiori ritu, quam qui a Sede Apostolica ei praescribitur, licitum erit hujusmodi Officia solemnius celebrare quoad pompam extrinsecam, non autem quoad ritum ecclesiasticum, S. R. C. 14 Maii 1644 in *decreto generali ab Urbano VIII approbato*. Non autem quoad ritum ecclesiasticum, nec valet ordinariorum concessio. Vide num. 216. Non immutato vero ritu, cum possint habere integras Vesperas. Vide n. 1098, 1135 et 1180.

296. Si vicarius episcopi incedit in habitu vicariiali, praecedere debet omnes dignitates et canonicos, quantumvis protonotarios; si vero assistat, uti canonicus, debet sedere in loco suae receptionis, S. R. C. 26 Aug. 1643, in *una civitatis Plebis*. Quantumvis protonotarios: intellige de protonotariis non participantibus. Vide num. 136 et 170.

297. Functiones, quae debent fieri per primam dignitatem, ea impedita, obeundae sunt per dignitatem sequentem, S. R. C. 7 Octobris 1646 in *Barren*. Vide num. 101.

298. Missae votivae non possunt dici ullo modo in Dominica Palmarum, S. R. C. 14 Apr. 1636 in *Ulyssiponen*. Quod intellige etiam in reliquis diebus impeditis. Vide num. 264.

299. Missa de Dominica Pentecostes non potest repeti in Sabbato quatuor temporum Pentecostes, S. R. C. 14 Aprilis 1646, in *Ulyssiponen*.